

IMPRESIONANTE TABATA E HOMENAJE NA RUDY PLAATE Y MATA DAAL

PRIDE a presenta nan CD den un exito total



**** Aki nos por aprecia Gezaghber di Curacao Drs. Elmer Wilsoe y Minister di Cultura Sixto Walle, den compania di Raymond Richardson, Rudy Plaate, Mata Siguaraya, Leoncita Richardson y Kevin Carty kende ta propietario di Club L.A.**



**** Akinan integrantenan di Pride ta poste pa fotografonan cu tabata na boshi.**



**** Riba grafico nos por aprecia con grandi e interes di prensa tabata ta.**



**** Elsa Westerburger a declama un tremedisimo poesia di tur Rudy Plaate su hinan, cual a ser skirbi fantasticamente pa Ana Krozendijk, cual a pone Rudy hari te hik.**

****IMPRESIONANTE** tabata e homenahe cu e agrupacion PRIDE a sabi di brinda na e famoso cantante Rudy Plaate y Mata "Siguaraya" Daal, diaran son ultimo na hermana isla Curacao den e popular Club L' Aristocrat (L.A.).

Ademas di a duna homenahe na Rudy Plaate y Mata Daal, tambe Pride a presenta nan recien CD oficial pa e publico di Curacao den e prestigioso nightclub aki. E motibo di a rindi homenahe na tanto Rudy Plaate y Mata Daal, ta pa e hecho cu Rudy Plaate ta

e autor di e tremendo piésa "Mata Siguaraya", cual piésa magnificamente a ser renombra pa Chicho Kock y Hildward Croes. E piésa aki tabata un hit bon pega den epoca di '60, y Mata "Siguaraya" Daal ta e persona pa kende Rudy a traha e piésa.

E impresionante homenahe aki tabata na su lugar, debi cu e autor di e piésa aki esta Rudy Plaate, no a existi nada y a coopera engrande pa su produccion por wordo graba riba e CD di Pride.

Durante e ceremonia cual a ser presenta fantasticamente pa Ruben "Scorpio" Garcia kende a fungi como MC, tabata presente personanan di mas importante den Mundo di farandula, cual nan tabata: Giovanni Atalita di Musika y Espectaculo (La Prensa), Rudsel van Lamoen di Riba Tarima (Nobo), Persey Pinedo di Z-86, Darwin Gregg di Radio Exito, Bob Harms di Radio Hoyer y Tele Curacao, Mocky Job y varios mas. Tambe di parti di e mandatarionan di Curacao tabata presente Gezaghber Drs. Elmer Wilsoe y Minister di Cultura Sr. Sixto Walle. Presencia di e personanan aki ta demostra e interes y popularidad di Pride y tambe e exito rotundo cu e CD a cosecha na hermana isla Curacao.

Despues cu Scorpio a splica e historia di Pride, Rudy Plaate den un voz emocional a hiba algun palabra, caminda e la declara cu e la bin na inspira e piésa "Mata Siguaraya", y tambe cu tanto Chicho Kock y Hildward Croes a efueca un tremendo trabao di bisti e piésa aki su toxido.

Tabata den aña 1960 cu Mata Daal e tempo ey tabata core su autobus entre Punda y Dominguito y tabata yama su bus "Siguaraya". Rudy como

joven e temponan ey hunto cu algun amigo tabata para canto di caminda, y ora cu Mata pasa cu su bus nan tabata grité "Mata Siguaraya Mata Dale", y Mata tabata pita su pito auto sin fin. E temponan ey e hecho aki tabata un kick formal, y e la dicidi di traha un piésa pa Mata Daal cual a resulta den un exito rotundo.

Despues a toca turno pa Mata "Siguaraya" Daal splica ta di con e la pone su bus yama "Mata Siguaraya". Sumamente interesante tabata e

splicacion di Mata Daal, kende a conta cu Mata Siguaraya ta un mata na Cuba cu tin un troncon gigante. E mata aki tin un poder y for di e mata aki ta sali un flor cu ta sumamente dificil pa haya, debi cu si bo logra di haya un flor for di e mata aki, lo bo tin suerte pa resto di bo bida. E tabata trata di logra haya un

flor for di e mata aki for di su famillanan cu tabata residencia e tempo ey na Cuba. E la gusta e nomber di e mata aki asina tanto cu e la dicidi di pone su bus yama Siguaraya. Despues cu Mata Daal a caba di splica, e la ricibi for di man di Sasha un envelop tradicional conoci.

For di man di Leoncita

Richardson kende ta e relacionista publico di Pride, Rudy Plaate a ricibi un bunita obsequio den forma di un rabo di paus, cual a ser traha pa e artista Buchi Werleman. Tambe a hiba palabra e productor di e CD, Hildward Croes, kende a sabi di ricibi un avalancha di pregunta serka e miembronan di

prensa, pa cual e la sabi di contesta nan den un forma profesional. Na final MC Scorpio a presenta cada integrante di Pride, kendenan despues a presenta nan exito CD oficialmente den un tremendo forma. Despues di e acto oficial aki, Club L.A. a habri nan porta pa e publico, caminda e anochi ey tabata "ladies night". Pride a keda deleita e enorme publico te den oranan di marduga. Mester remerka cu Club L.A. ta un club hopi respeta

caminda bo ta wordo listra na porta, y ta hendenan decente cual mayoria di nan ta miembronan bishita e Club aki.

DEN AMBIENTE por concidera e viahe di Pride pa Curacao den un exito rotundo, caminda nan a estrecha e laso cultural entre Aruba y Curacao, cual sigur ta di aprecia.

Nos no mester lubida cu e mercado entre ambos pais ta hopi importante den venta di nan produccion na papiamiento.



**** Ruben "Scorpio" Garcia manera semper a haci un magnifico trabao como MC.**

BLUE WAVE

Awe nochi ta den ambiente

CU

Robert y su Solo Banda Show



**** Sasha entregando Mata "Siguaraya" Daal un envelop tradicional conoci.**



**** Hildward Croes tabata centro di atencion serka e miembronan di prensa.**

THE NEW Club Visage

COMPLETELY REMODELED

20,000 sq. ft. of Fun and Excitement

FEATURING

- 1,500 sq. ft. dance floor
- basketball court
- 18 pool tables
- video games
- 10 bars

MINIMUM AGE 18 YEARS PLEASE

WEDNESDAY LADIES NIGHT

FREE DRINKS AND ENTRANCE

OPEN FROM 9 P.M. TO 6 A.M. 7 DAYS A WEEK

Rosey's CANTINA

THE BEST HAMBURGERS AND CHICKEN WINGS IN THE CARIBBEAN

FOOD AND DRINKS AT HAPPY HOUR PRICES

Come and enjoy.....at the HOTTEST ENTERTAINMENT CENTER

L.G. Smith Blvd. 152
Tel.: 34780 - 22397